


Ю. Яковлев

Катыд пом

Сыктывкар 2002





Яковлев
Юрий Дмитриевич

Ю. Яковлев

Катыд пом

Сыктывкар

Долгид оона

Да бур ёна.

1992

Катыд пом

Сыктывкар 2002

Юрий Яковлев

2. 1955в.

Катыд пом

Висьтъяс

Юрий Яковлевлөн нимыс бура нин тӱдса лыддысьысьлы. Висьтъяссӱ йӱзӱдлис газетын, журналын, книгаын.

«Катыд пом» – торъя книгаыс гижысьлӱн медводдза. Неыджыд висьтъясын Ю.Яковлев кужӱмӱн петкӱдлӱ ас ногыс олӱм донъялысь, нюмсера мортӱс. Кывйыс, важ йӱзлӱн оланногыс, налӱн мӱвпалӱм-майшасьӱмыс и сетӱны вын гижысьлы аддзыны олӱмсьыс тӱдчанасӱ да писькӱдны литератураӱ ассъыс пас туй.

ISBN 5-7009-0263-x

© Яковлев Ю.Д., 2002

© Букина О.,

художник, 2002

Шуда дзолядырся кад

Сьолөмшөр, дона Чужан Му! Сет бур сям-мөгута петкөдлыны муса вөр-валысь, му-видзьяслысь ярьюгыд мичсө, бур войтырлысь олөм-вылөмсө. Оти рөдвужө сывьясьомаось-йтчөмаось еневтувса олысьясыд.

Збыль, нинөм тайө олөмас оз вөчсыи весьшөрө. Оръявтөг өти кадколаст вежө мөд кадколастсө. Авья тулысын ловзьө, садьмө, руалө вөр-ва, чепөсийө быд сикас лов садь. Некор тай нюжмасьны. Гажа шоныд гожөмын гөгөр быдмө, кыпөдчө-воө. А сэсся кыссьө жугыль ар. Люзьдө-бөрдө вөр-ва, зэлыд төвныр кысьтө, няклялө мича кор-паськөмсө. Мусукасьоны том йөз, йитчөны-өтлаасьоны, медым водзө нюжөдны олөм визьсө. Регыд мысти тапкас, ковгас көдзыд төв. Клөн кынтас шань ю-тысө, небыдик лымйөн шебралас, унмовськөдас вөр-ва олысьяссө, дзыкөдз падмөдас таса олөмсө.

Тэрмасьтөг визувтө нэмөвөйся Вашка – Ву. Видзө, лелькуйтө оласногсө аслас ныв-пиянлысь, Ву вывса олысьяслысь. Вердө бур чериөн, көтөдө видзьяссө, юктөдө сөдз ваөн став лов садьсө. Кор сетас шуда олөм, кор и босьтас-кыскас гуранө.

Вель уна сикт да посни грезд рөдмөдчылөма татчөс мича берегьясын. Важысянь поздысьлөмаось тані... Мунөмаось мөдар югыдө. Дуковна кольөмаось пасьясын, юяс да ёляс нимьясын. Лыдтөм-тшөттөм борган ёль, визув посни ю, кыдзи чоя-вока крепыда йитчөмаось ёрта-ёрткөд да помтөг

мойдöны-сьылöны бур важся олöм йылысь...
Тэрыба котöртöны-вайöдöны сöдз йи васö
Вуö, ыджыд мам дорö, кевмысьöны,
вильмöдöны ю вынсö. Нинöм оз торк
нэмöвöйся пöрадок-ладсö. Öти бöрся мöд
рöд-йылöм локтис-мунис – пыр визувтö дона
Ву. Гашкö, «Ву-дор»-ыс и сетöма нимсö
Удоралы? Уна котыра Ву пырö Мезеньö –
Мозын юö да сыкöд тшöтш визувтö войвылö,
помтöм-дортöм саридзö.

...Паськыд, чöв-лөнъ Сöдзим вом. Чериа
вöрса ю надзöникöн петö эрдö.



Скраба

Скраба – нэмöвöйя вöралан угоддьö.
Верст кызь вит кымын колö шлапиктыны
Кöджсянь, Ву вывса сиктсянь, вөр шөрö,
Ойвож ю дорö сувтöдöм кыйсян керкаöдз.
Лунвывсянь татчö зiля писькöдчö Скраба ёль.
Местаöн дзик вошлас му пытшкö, местаöн
мыччыяс да тэрыба котöртö ыджыд вок
Ойвож дорö, медым пыр кежлö öтлаасьны
сыкöд. Буретш, тайö ичöt юыс и сетöма
кыйсян угоддьöыслы нимсö.

Лыдтöм-тшöттöм ёль да посни ю бур
рöдвуж моз топыда йитчöма ёрта-ёртыскöд.
Большöны-мойдöны бур важ олöм йылысь. Вöр-
ва озыр: ставсö пöттöдз вердас-юктöдас, сетас
юр сюянин.

Сардырся кадö комилон прöмыс вöлі медыджыд најоткаон. Семен лун, буретш, восьтыліс вөр-ваö туй. Зарни арын, шобдi вундöм бöрын, верстьö йöз модöдчылісны кыйсьыны-вöравны.

Кöджсаяслон ас гортса туйыс помасьö Паспом грездын, крест дорын. Важон, сэнi мича коз пу улын, сулавлöма ыджыд пу крест. Пöрысь и том корлöмаöсь Енлысь бур прöмыс, кокни туй, ыджыд сьом. Крест вылас öшлывлöмаöсь гортса козинъяс: мича ки чышкөдъяс, быдсяма рöма лентаяс, дöраторъяс... Он öд тöд, кызди сибöдас батюшко вөр-ва: тырөн либö кушон бөр воан гортад. Помасьö гортса туй, тасянь заводитчö помтöм-дортöм вөр-ва, Пиньом туй.

Ылі роч муын визувтö Пинега ю, муртса ыджыдджык Ойвожысь. Роч юыслысь и босьтöма нимсö тайö туйыс. Мырсьылöмаöсь жö танi вашкаса бур войтыр – идравлöмаöсь туй вылысь лым. Быд во тöv шöрын роч купечьяс вöла доддьон волöмаöсь татчös ярманга вылö. Вайлывлöмаöсь быдсяматорсö: кутшöмсюрö колана көлуй, сакар-сов, тшай, мича карса паськөм, гудökъяс да уна мукöдтор. Мудзöм-дöзмöм купечьясös шойччöдасны на ас керкааныс, вердасны-юкталасны. Кежавлöмаöсь татчö и пышйöм йöз: повзьöдлöмаöсь татчös вöралысьясös. Мый сöмын эз аддзыв кузь нэмнас Пиньом туй: уна гажлун и шоглун пыр кежлö дзевис аслас утлаинъясö.

Бласлö Кростосон разöдчасны кыйсьысьяс вөр пытшкö. Быдöнлөн аслас угоддьö, вөр керка, пас. Ыджыд ота вөр-ваыд, он тай потш –

гөйгид чуктас. Сы понда и лосьодома кыйсьысьяслон быд рөд-котырлы аслыс пас, мед видзө-дөзьөритө вөралысьяслысь эмбурсө лёк синмысь, лёк мортысь.

Пемыд, гажтом съорт кузя, нюръяс да яг вывті чуклясьө вөралысьлон чөс туй. Төдтом морт тані здук мысти вошас-падмас. Оз быдлаын и төдчы туй визьыс. Сөмын пу лөсасъяс серти вермас петны сійө бур туй вылө. Сап пемыд войын кыссясны-воасны кыйсьысьяс вөр керкаө. Тшук сөмын вермасны курыштны көдзыд шыдөссө. Лов вежом бөрын кутасны бура пестысьны-пусьыны.

Вежон чөж сэсся вөралысьяс копрасьоны-сиалоны лэчъяс. Жбыр лэбзьө йөй том съола котыр, быттьө пушкаысь лыйоны – крап кыпөдчө дозмөр, чукчи. «Лэчкыс ачыс льяс», – пыр вөлі шуоны пөрысьджык вөралысьяс. Зэв уна пөтка сюрө мудера вөчөм лэчъясө. Но оз ков пө горшасьны, колө и рөд вылө кольыштны, шойччөдыштны вөр-васө. Сэки жө воө урасьөм кад. Войтыр кайлөмаөсь сідзжө ылі ёльясө чери кыйыштны. Сөмын бөрө-водзө.

«Лөсьыд да кыпыд сьөлөмлы! Вөччөмаөсь-баситчөмаөсь пуяс: уна рөма корөн вольсалөма небыдик нитшсө, быттьө ас кыөм дөра. Петас шонді, ломзьөдас пачсө – ыпнитас биөн кыз рас. Вир войтьясөн моз киссьөны му вылө пипу коръяс. Кокниа лолавсьө сөстөм сынөднас!»

Мөвпъясө войтчөмөн, ог и төдлы помтом вөлөк вуджөмсө. Водзынджык лутшкө-мунө пөрысь айө. Кылө нин Ойвожлөн бызгөм шы, регыд кыз раскысь петкөдчас Скраба-баб керка.

Арпи

Пызаныс чегө, сы мында ваялөма сёян-юансө да. Дорөлас тшапа вожасьөма самөвар: нургө, майбыр, гажтөм мотив.

– Убытка абу... Мед ветлас инө, олыштас дай мусмас, – Максим пөль гора сыркнитіс пөсь тшай, збодера өвтыштіс плеш вивсьыс ньылөмсө. Зыр кодь паськыд тошкыс өшалө гөйөдзыс.

«Квайтөд стөкан нин вачкис горъяс», – ас костас арталіс Митрей нукыс, дзуг юрсиа, пони тушайөм зонка.

– Кызд нө пондас овны-велөдчыны да, – оръясян гөлөсөн лимзө-бөрдө муса мам. Сола синваыс сідз и төпалө блюдцөас. «Чус недокунь кодь, сөкатө пиө...»

– Ланьт мися, увгөмнад он отсав. Öнтөнов рөдын некод ляб сьөлөма эз вөв!.. Некутшөм пальш абу, – крапкис-шуис Максим пөль да друг тшөкмуніс, тшайыс вальк киссис тош вылас. Митрей прысьнитіс да звирк петіс пызан сайысь.

Помасис, сайкаліс дженьыд войвывса гожөм. Бөрынтьчис челядь руа кад. Воис арлыдө зон, быть ковмис зепта пинжакасьны да шлапкыны ылі сиктө велөдчыны школьнөй манерө. Пупыш синма, налим кодь рам ичөтик Митрей пыр яндысис ёртъяс водзын чужөмсяньыс лоөм мыкталөмысь. Кывтөм пемөс моз оліс чөв, школаын мөмъяліс и. Уна грөз сюрис-инмис сьөлөмас. Вочасөн медся кажитчис, моздіс сылы манакавны, йөзсьыс өддортчыны. Дзөнь вежон мысти школяръяс

пузувтісны, гузьобтісны ай-мам дорё, ыло
налон лавгомыс кыло. Кольччас Митрей
ёртыясысь, гач тыр любё: позьё потмон
нодьясьны, эмсё и абусё сорлавны. Либё
пласьтнитчыны небыдик нитш выло, ки ни кок
куйлыны да син вештытог дзоргыны состром
енэжё. Либё мыр моз сувтны да вом
калькодмон дуввидзны мича серпасьяс
выло...

Прамё син водзын вежласьё муса вөр-
валон чужомыс: гожся паськом-корья пуяс зіля
воччоны, румянитчоны, быттьё отвылысь
сернитчомаось ставос шемосмодны!

Ыджыд чиган котыр моз локто ар. Мича
гарусной чышьянон павкнитас, шовк сора
платтьё божнас шевкнитас. Дерт, чиган моз
вермас порьявны, кедзонтны, либё, модарё,
леститчас, бурмодас сьолөмтө медборья шань
да ярьюгыд луньясон...

Оз на отмоза ромасьны невеста-пуяс:
зарни кышода дзирдало кыз пу, чим горд
платтьёа красуйтчо пелысь, бипур моз ыпьяло-
ырьяло статья пипу... Бусыд кыморьяс сайысь
мыччыслас шонди-мам, юзьодлас енма-му
костсё. Пыкас сэк ловто, шымыртас сьолөмтө
вовлытом мичнас!

Бордмон жаль, мый регыдон пракмунас
тайо син еран мчыс... Арся поводдяыд – кык
бана шаньга: сэн жё шондиа-гажа, сэн жё
буситө, читө зэр. Кыськө варыш моз уськодчас
бушков, кутас яравны, шлачодны... Помтог
буало, скорало, быттьё голикон жуг-жагсё
чышкало, кыподо-лэбзьодө. Лысом поткаяс моз
сулалоны, сырмоны пасьтом пуяс, кушмом

чалъясөн нораа шура-шаракылёны.

Помтөг шензьё пони Митрей, дугдывтөг больгё, варовитё пуяскөд, матыс ёртъяскөд. Пыр мыйкё юалё, ачыс жё и вочавидзё. Сюсь синмыс быдторсё казялё, гуся шыяссё пель сайё сюркнялё да Максим пёльлысь кыв-вордёмсё казьтылё: «Лыдтём-тшөттём озыр-луныс мян вөр-ваын, пиё-арпиё, сюсь звер-пёткаыс рөдмё, ветлө-лэбалё, тыр-бур чериыс тувкъялө-уялө, чёскыд тшак-вотёсыс тыр-мымён и... Ставсё бурпёт вердас, пасьтөдас Ен-батюшкоыс...»

...Юргё, паськалө-разалё парма гор. Радлө Митрей, нимкодъла лыбё, бордсялө. Төдса туйыс лючки вайөдө сійөс гортас, дона мам да Максим пөль дорё.



Анькытш

Мыйён бара глянитчө гождёмыс? Шондйыс доналёма, пывсян горйысь моз өвтё жарён, пычкё ньылём. Сявкнитас шоныд зэр, вирдовтас гым-чард, сыркмулнө сьөлём, кылө ма дук.

Сиктын чөв-лөнь, сөмын өтка пөчьяс сынисады роялөны шондй сайын, да посни челядь буситёны-гөняйтёны чильган – ас ыджда көрт кытш. Верстьёыс – скөнь мырсьё туруна удж вылын, дасьтё төв кежлө тшай кодь чёскыд дука веж көрым. Та пөраё яндзим бовъявны сиктын. Водз асыв, лысва усьтөдз,

лэчча ю дорё вуграсьыштны, ном вердны.
Кокъяс асьныс нуодёны тёдса лыа кёса вылө.
Позьё пестыны бипур да напрөч ылавны
думъясөн.

...Ак, кутшөм чёскыда очсавсьё асылын!..
Некод оз тэрмөд. Нора бакөстасны гидйын
баляяс: бе-е, эн пө вунөд моздорад турунтор
вайыштны...

– Дыш лэльёө!.. Пет нин, каникултө
прөзевайтан! – ульчасянь горөдас Рустик, воча
вок, калькөс вома гажөдчан ёрт. Прамө өшинь
пыр брун чечча ывлаө. Юр весьтын дзирдалө,
пөжө гожся шонді, сьөлөм небзьёдысь лунтөв-
мам меліа малалө балябөжөс. Рустик вок,
катыдпомса нырщик, важөн нин чукөртөма
аскоддясө. Ставныс көмтөг кока, трустик да
майка кежысь – лөсьөдчөмаөсь звиркнитны-
котөртны анькытш му вылө.

Помтөм-дортөм нюжөдчөма Паспом пөле.
Долыда гыалө, сөвмө веж быдтас: сю, зөр да,
дерт, юмов анькытш. Грек вылө муяс гөгөр
кытшлалө Осип Анэй, ёсь синма пөрысь
старука, оз и лэччыв вөв вывсьыс, лун и вой
верзьөма, дөзьөритө колхозса овмөссө да пыр
грөзитө: «Ок, кутала, да вужнас нетшкала
мужичөй дөбранныдтө...»

Лунтыр ноксям-уялам анькытш му вылын,
рушку дундытөдз чөсмасям юмов вотөсөн.
Сөмын сэк, кор шар-гадь моз польдчасны
майкаяс, гусьөникөн петам эрд вылө. Быдөн
ошйысьё: менам пө медчөскыд да пөтөс
анькытш. Сералігыр лютки-петки рөдтам Яран-
вис дорё, купайтчыны. Паськыд, гыча чериа
Дін-тысянь визувтө сөдз посни ю. Тані, ичөт

куръяын, гажаа коллялам шуда, челядь личё-бана муса гожомсё. Медпосни войтыр лягушаяс моз броткё, лыпöшитчö ляпкыдінын, лапкоръяс пöвстын. Кодкё сюся кыйöдö тэрыб вöраса ёстö, кодкё зіля öктö-чукöртö рапань. Ю шöринас чöжпиян моз вирдалöны-уялöны нывзон, прамöя варчöны, ордйысьöны ас костаныс. Ас вöчöм вышка вывсянь сунгысьöны гудыр ваö. «Коді полö, гажтöма олö!» Неуна кывтчöс, Иван Микöл тас дорын, купайтчö зонулов. Тані ваыс дзик съöd, йир, некытчö матö он сибав. Завидь босьтö миянöс, коля-малаяс, кор ыджыд вокъяс повтöг дзумгысьöны медджуджыдінас. Бöрыннас найö вуш-вашкöдчöны, мый ю пыдöсас, гуранын, олö нитшсялöм сир-пöль, пекыль моз куйлö, вугралö...

Сэсся, кор дзикöдз кынмö лысьöм, лöзöдасны паръяс, тіралöмөн каям берег вылö да пласът уськöдчам пöсь лыа вылö. Гожся шонді, меддона ёрт, сотö мышкутö, банйöдö вильышпозъястö. Здук мысти чаньяс моз ризöбөн пузувтам-чеччалам Яран-вискö. Чукйөн тыра челядь шудыс!

...Лöсталö-югъялö ва веркöсыс. Лöсьыда ыркйöдлö небыдик тöвру.

Енэжыс сэзь, ньöти кымöртор абу. Буретш куртан пöра. Локтö пажын кад. Колö кайны бөр гортö, нуръясьыштны да ветлыны ягдорса видз вылö, вөрöшитны веж турун.

...Уна-унатор вежсис збыльвылö. Паспом пöлесö шöри вундіс-орöдіс ота, шыльыд машина туй. Вылö лэптöма лыа насыпсö. Пырзис, ёгсяліс челядь ворсанін – сöдз посни

ю, Яран-вис. Прамё куръя вывті мунё туйыс да. Оні төв и гожом пöчьяс гирсйöдлöны-ветлöдлöны автобусон центрö, ныла-пиян динö, да туйсö кузяла горöдалöны важ сьыланкывъяс.



Рустик вок

Рустик вок, калькöс вома гажöдчан ёрт. Муртса на тыртис квайт арöс, а визув, он лысьт вомас и чунь пуктыны. Рустик вок катыдпомса челядьлөн нырщик: кытчö вож – сэтчö и бöж. Быд лун водз асыв локта вежань ордö, чöла меститча кытчöкö кöтшö. Марпуш дядина, мамыс Рустиклөн, пыр ноксьö инпöлын, месанитö: вожа укватөн гур вешталö саасьом чугуньяс. Ыджыд пачын жувгö, трачкакылö би. Зарни югöрыс гажаа ворсöдчö вежаньлөн стрöг чужöмас.

Рустик вок андел моз пукалö пызан сайын, виччысьö чöскыд пöжас да нинём карöмысь вежнясьö, чикльöдлö рöжа-бансö. Ме шы ни төв чöv ола кöтшын, мый вынысь кутчыся, мед эськö не гөрöктыны... Марпуш дядина, эштытём морт, дöзмöмысла вермас и уркöдны пач чышкан лыскөн... Но Рустик вок оз öшйы инас: сийö чуньяснас паськöдлö вомкаличсö, нюжйöдлö кывсö. Виччысьтöг чаш потö менам серамгаддьыс, и ми кыкнанным свиснитам сарайö.

Горт дорын нэмсө сулалө важ, юр пөла часуння. Сэтшөм важ, мый весиг бабө оз помнит, кодыр тшуплөмаось. Киссьөм кильчө бөжын часөвөй моз сулалө вески: гырысь да мисьтөм... Тані пыр жуө посни войтыр – сёмөм гираяс костын стеклө-кляничаысь изоны өпасной пызь, а медся повтөм детинкаяс вуз-ваз сёясны тайө зеллясө да нөшта баквалитчөны: та бөрти пө некутшөм полөм оз босьт... А кузя зэрөм бөрын вичко дорыс тырө ваён... Сэки вильышпозъяс сьолөм бурмытөдз зібъясьёны пөвторъяс вылын, ботайтчөны...

Но ставыс коркө помассьө: вочасөн бырө лунся гажыс, шондйыс пырө аслас зарни чомйө. Сиктө пуксьө пемыд рыт. Посни йылөм скөнъ чукөртчөны Рустик керка дорө. Кыськө лыбө төвру да таркөдө өшинь брөвьясө. Матысса керка шойсянь өвтө повзьөдчана руөн. Быд рыт Рустик вок мойдө страстьт лөк вөвлөмторъяс.

– Сё забыль, – ейбогасьө сійө. – Төндзи чеччас Вася вок вой шөр войын, петас сарайө могөн... Пемыд, көть синтө бытшкы. Кималасөн мөдөдчас штэн кузя. А кыис веськалө гөна ёкмыльө. Вася вок, төданныд, топөн оз пов, чайтас, тайө батылөн пасьыс өшалө. Водзө тапсьөдас. Бара кыис инмас гөна тупыльө... Зөм сувтас Вася вок, кылас: кодкө негөразнө ыджыд мыш саяс чушкө... Юрсиыс воклөн тшөть моз сувтас, окота горөдчыны, оз вермы – кывйыс сибдөма пинь анас, окота котөртны, а ки-кокыс кынмөма дай ставыс... Рустик вок тшөк ланьтө. Ставнымөс босьтө страк, кодкө гораа кыскө нырнас. Друг дзурк вөсьсьө кильчө өдзөс. Марпуш тьöt стрөг гөлөсөн тшөктө

чөвтчыны да бурон разодчыны гортө. Гөгөр чөв-лөнъ. Войся пемыдыс быдсон шебралёма сиктсө.

– Асылөдз кулёма нисьө ловъя сулалас Вася вок, немтор оз помнит, ымзө дай ставыс, – кывлысьө Рустик да содтө: – Йöзыс баитöны, быд вой пö орчча керкаас кулём кöзьяиныс воывлө, шöйтö пöнара бион... Но тырмас, инö, – чöскыда очсовтö Рустик вок да вошö син улысь. Дивъя сылы – оз ков мунны сиктсö арт. Челядь гораа варовитигтыр разодчöны гортъясаныс. Меным забеду вылө колö мунны овтöм керка дорті. Паметъын ловзьö лёк казътылём: коркö тайö Енмөн вунөдöм керкаас öшөдчöма том морт... Дыр сэсся шойыс бовкъялёма мöс гидйын... Көнкö и öнi качайтчö, жерьялö эсйö öшиньча саяс...

– А, а, – мый вынысь горза да гольскөдча гортса кильчö öдзöсö. Меным каститчö, мый зывök поконикуыс кайö бөрвыв поскöдыс, матыстчö. Но, слабог, вössьö öдзöсыс, да пыр жö веськала Öдэй баблөн сывтырйö.

– Свят, свят, – лыддьöдлö сйö, пернапасалö менö да пыртö шоныд жырйö.

– Сөкатö пиö, нетöразнö повзьöма мыйыськö, – дыркодъ мыйкö лыддьöдлö бабö, кытчöдз оз бурась сьөлөмö, оз личкы ун...

Мöд асывнас первой делö котöрта Рустик вок ордö, быттьö нинöм абу и вöвлёма... Ок, шуда челядьдырся кад!..



Ягов-ты

Уна-о колö дзоля мортлы. Вильышпозлы дзескыд овны ай-мам сойборд улын. Кыскö сөшайтöс ёртасыны муса вөр-вакөд: лунтыр котравны паськыд пöле вывтi либö ур моз кавшасыны мича льом пу вылö да поттöдз чöсьмасыны юмов вотöсөн. Он куж и висьтавны, мыйта колö лышкыд сьөлöма посни войтырлы!

Öтчыд гожом шöрын кык янсавлытöм друг Чиган Коль да Öсип чож повтöг мөдöдчисны ыли Ягов-ты дорö вуграсьны.

– Энлы, крукыштам пара ёкыш, – ышмөдö ёртсö сьөдов чужöма Чиган Кольö. – Тöдан, найö быттьö порсьяс ваас пеклясьöны...



Ягов-ты, Енмөн ёрöмин. Тувсовья вежа ваыс шоча пыравлö татчö. Шуштöм танi öтка мортлы, нора дзуртöны пакулаа висьлöс кызьяс. Пачвыв олысь кизер тошка Тудри дед

быдёнлы мойдö-висьталö, кыдзи коркö, арся пемыд рытö, нымёнкö абу згинитöма Ягов-тыас. Келас тас вывтi ты шөрöдзыс, пондас кыйны-лэптыны гымгасö... Нем виччысьтöг ваыс и пузяс, нырö павкнитас пеж дукөн, ботъмём пу колода горулысь вирдовтас нильыд кузь ки да кыз тай кватитас дедöс тошкöдыс... Звер моз лёк нога горöдас сэк коньөр чери кыйысь да мый вынсьыс нетшыштчас... Оз и казья мöдлапöлас воёмсö...

– Кöджса олöма йöз сiдз чайтöны, мый сэксянь и омöльтчис Тудри дедыс: тошкыс кизьöрмис, сям-вежöрыс торксис и. Сэксянь некод оз убöлит кыйсьыны Ягов-тыас: чериыс пöдöма пö, сыв ни слащ абу.

– Зэв тай полам, – шалсйö водзын Чиган Коль да сöмын шпыннялö. Бöрся, муöдыс кысьсö кык сыв кузьта вугыр шатин. Дорся гыпкö-мунö Осип чож, кыз ныр-вома ар сизима зонка. Сйö чöv олö, мыйкö дугдывтöг мурчкö-нямлялö вомас.

Мир туйыс ота, некытчö тай он вош. Шуйгаладор гажаа югьялö Ву, веськыд ки выв – ёртъяскöд тшöтш кыпыда восьлалöны падöсьяс, – найö йитчöмаöсь сутугаён. Отка лэбач жбыркнитас туй вомён. Юр весьтын гöгралö съод кырныш, крунксьö, кыйöдö кодöскö.

– Шойччам, зонмö, – верстьö моз гораа крапкис-шуис Чиган Коль да сувтовкерис. Кыв шутöг шняпкысис туй вылас Осип чож, пöсьыс шорён кисьсö чужöмтыс. Көнкö, кок улын, дзульгö-визувтö Оша-ель, ас думсьыс зiля писькöдчö юлань. Чиган Коль пелька гаровтiс

сюмөдысь чумантор, курыштіс йи кӱдзыд васӱ,
нбылыштіс азыма да тшӱтш юкталіс ёртсӱ.
Тыдалан выйын лои Ягов-ты. Воча тӱвру вайис
пӱдан нюр дук. Ёртъяс чошӱдӱсны пельяснысӱ,
ланьтісны. Вочасӱн кымӱртчис, кутіс буситны
помтӱм зэр.

Друг водзын мыйкӱ трачнитіс. Ловзис,
тармуні сук баддъыс. Сэсь мыччысис гӱна юр –
лапъя пельясыс чурвидзӱны ӱтарӱ-мӱдарӱ.
Повзисны ёртъяс, йирмӱг босьтіс. Сэсса
чепӱсйисны да кыдз тай пызйыштісны тшын ни
бус... Кӱмтӱг, кӱлуйтӱг, ӱдва ловъя гортаныс
воисны...

– Такӱвскӱй, тӱян, зырымбедьяслы, – бадъ
пийсыс ружтігыр петіс Паком дядъ, крукыль
ныра, сиктса тешитчысь. Сьӱмдытӱдз гулькйис-
сераліс: мый ради сӱні кысмасьӱны да
шӱйтӱны...



Тупли гоз

Мыйыс и оз вӱвлы туиг-быдмигад...
Казытылан пас: меным, дас арӱса зонкалы,
мамӱ ньӱбис выль тупли гоз.

Зэв бура помнита: сулаліс жар гоҗся
поводдя, ёртъяс гачтӱм, кӱмтӱм, кӱнкӱ тшын-
бус котралӱны Паспом поле вылын. Ме кольччи
гортӱ – окота ӱдйӱджык кӱмавны шнич выль
туплиӱс. Мамӱ эськӱ пыр и кӱсйис дзебны син
улысь: велӱдчытӱдз пӱ... Но кытчӱ муй!

Ме водзын быдмисны вокъяс, да быть ковмис новлыны налысь важся, бонзьом дөрөм-гач. Мамө дөмыштас, дай бара.

Чукйөн тыр шудыс менам!.. Дзескыд гортын. Свись петі сиктө, вөлөсьтө. Збодера, юр чатөртөмөн, тотшкөда-ветлөдла сиктсө кузяла и вомлала. Сэтшөм вежавидзысь лои: быдөнкөд видзаеся. Пöрысь войтыр тільоны син, вашъялөны: бара кампет либө мыйкө лямзьөдө... Сэсся коркө казяласны жө туплиөс да пондасны довкйөдлыны дзор юрөн, кывйөн шлочкөдны:

– О, о, чистө жөник тайө лоөма, – дзик быттьө дөрөм вөв камөдө!

Меным любөсьыс-любө, пөрчча туплиөс кокысь да мый вынысь колскөда падөсө, пыркөда ёг-буссө.

Некымынысь гөгөрти чужан сиктөс. Ставөн ошкисны выль камашөс. Рытгорув матамми гортө, шлап пукси кильчө пос вылө. Дөрөм соскөн чышки буссө туплисьым. Да сэк сөмын казялі, мый вешйөма бокө зумыд каблукыс, өти көрт тув вылын өшалө. Страк босьтіс. Шуліс өд мамө, вай пө сундукө пуктам, мед куйлө велөдчытөдз...

Сэк кості кусіс шондіыс, лэччис гортас шойччыны. Коркө сэсся петіс ыджыд вок да сойөд пыртіс керкаө. А туплиөс дзоньталіс батьө: тутш-тотш, и дась.

Мамө эз и казявлы нинөм. Онөдз, чайта, сідзи.



Паша кырув

Мыйлако, арлыдо воан да енджыка казътивсьо шуда челядьдырйид. Позьо помтог гумлавыны пьдостом паметь-юкмосьсы нюм сора вовломторьяссо. Тадзи кодзыд толын вотон воывло муса тулыс: мелиа югьялысь шонди, гажаа зельгысь шорьяс, радейтчом... Элма!..

– Но и акей, – сэн жö колснитас, сэн жö малыштас мам да лючки водтодас шоньд паччорö. Сэни пемыд, быттьö рынышын – позьö ворсны-дзевсясьны. Пач яйыс пымалома, сотö мышкутö. Тані косьмö быд сикас гортса колуй: кушенча-кепысь, вöралан лаз, домаса упаки гоз... Сэн жö трачкө-кылö кос сартас – айö водзвыв дасьтома ломтас вылö. Пельсаын ловзьö, кыпаммö няньшом. Асьядор мамö пöжалас выя көвдум. Шур-шар кыйöдчö пöим сера Васька кань. Виччысьтог брунь чеччас морöс вылö да пондас кургыны: узь, дзолук, узь...

Катыд помын, Пудэй Анэй пывсян дорын, лунтыр жуялö посни нарöд. Паша кырув – медся вильыд да джуджыд исласян чой. Кырыслон баныс югьялö төвся шонди водзас лöщитом дөра моз. Ньоти пöрьясьтог позьö шуны: судтанас – енэжөдз судзас, а кузьтанас – Кепшор-ты берег дорөдз, ляк бадьяс динөдз. Шуйгавылын нюжөдчөма потшöс, веськыд ки выв, мир туй бокас, тонвидзö сиктса кузнеча, көни узьö и олö Педя Коля дядь, пу кока, саössьом чужөма. Сийö пыр мыйкө кленгö-дорö да шыблассьö биа öгырьясөн, повзьөдчö...

Он куж и висьтавыны, мыйон манитö

челядьос Паша кырувыс. Катыдпомса, став каля-маляыс чукөртчө татчө. Яра чилзөны, он төд мый и лоөма, оломыслы пом воөма. Быд лун вайө выль нок. Но медсясө воө сьолөмө «сорти-кості» кыскасьом. Öти зонпосни чукөр «овмөдчө» кыр йылас, а мөд «глөт-мөт» чукөр – чой горулө.

– Ура-а! – мый вынсьыс горөдас камандир да уськөдчас тышө.

– Ура-а! – чилөстасны «глөтъяс» да өтвылысь кутасны абъясьны, пушкигтыр кавшасьны кыр вылө. Оз ставөн, дерт, воны чой йылас: вильдөны, тювгысьөны бөр, нюдз баддьө. Этша-этша сөмын тшукөдчыласны вылө, көні өртъяс тувкнитасны, конйыштасны бөр, «ад гуранө». Такөвскөй, сідз и колө налы...

Майбыр олөм! Ворс, мыйта сьолөмыдлы колө! Лунтыр вермасны ноксьыны. Некор весиг нурьясьыштны – здук кежлө пыраласны гортө, кватитасны нянь шыльөб да бөр шутөвтасны ывлаө.

...Рытьяывыв прамөя нин көйттис. Кыськө былык петө дзөнь төлысь: чужөмыс ыргөн поднос кодь, сьөд чутъяса, быттө ыджыд мам. Стрөга видзөдө сійө посни зонкаяс вылө, тшөктө чөвтчыны ворсөмысь да мөдөдчыны гортлань.

Мудзасны, усьөны эбөсысь «глөтъяс» да «мөтъяс». Öти бөрся мөд гывдөны кыр вылысь «адө». Йизьом тубрасьяс моз гиля-голя кыссьөны гортө, шоньд паччөрө. Ки-кок шыблаласны, чискөны-узьөны посни ныв-пиян. Ай-мам весьшөрө чуксалөны найөс самөвар дорө...

Мойдодыр

Водзті, колхоз дырйи, ёна лелькуйтлісны видз-мутё. Быд тулыс колхозникъяс ыджыд ваод кайлісны Сөдзимё весавны тувсовъя жуг-жагсё.

...Пилимонлы нимкодъ, радысла инас оз ошйы. «Победа» колхоз уважитіс дёва-мамсё – босьтісны дзоля писё ылі Сөдзимё. Пиля гусьон мамсьыс суйис нопйё мыссян доз, гортса важиник кёлуй.

Лунтыр көледитісны сиктса войтыр шыльыд ыбъяс вывті, сёысьысь унджык, гашкё, вуджалісны визув Сөдзимсё, идралісны зорёд ув, ректісны баддьон пырзьём кулигаяс...

Коркё сэсся чөвтчисны уджысь да шуисны узьмөдчыны Керка дорын, гортсянь матысса станын. Прөстмөдісны сьёкыд нопъяс, бипур вылө ошөдісны пөрт-ведра. Артельнад гажа: кодкё гортысь катёма черинянь, кодкё кансер банка, чөскыд пөжас. Оти лышкыд сьөлөма весиг эта ылнаё кыскёма туис тыр яй: шоналыштёма пө неуна, но добра... Пилимонлөн мудз мода абу, керка пельөсө тувъяліс мыссян доз, пушкөмөн катіс ва пельса.

– Но-о... Абу дыш да, – лэптисны серамвыв колхозникъяс. – Но мед, гигиена колө блюдитны. Молодеч! Тайё прамо мойдодыр.

Вочасөн гажмисны. Ягвывса зумыд чөвлуныс да сөстөм сынөдыс небзьөдіс дубалөм сьөлөмъяснысё. Дыр баквалитчисны өта-мөд водзас: таса туруныс пө медся пөтөса Вашка вылын, молитисны бур страдуйтөм. Пажнайтісны гөг разьсьытөдз.

Коркө лөнисны жө... Дыр куйліс Пилимон
восьса синмөн – любөыс гач тырыс. Сэсса
вунөдчис да вөтөн сорөн кыліс, кыдзи войбыд
мисьтөма дзуртіс өдзөс, яра гольскөдчис
мыссян доз, кыдзи крепыда ёрчисны ыджыд
ёртыяс.

Водз асыв ставөн зумыш чужөма кыв шутөг
ырскисны тшай пыдди льөм пу кырсьысь
заваритөм зелля, мытөн висьөмысь
бурдөдчан...

Пилимонлы сэксянь йөн моз сибдіс
прөзвишшө: Мойдодыр.



Көин сар

- Көинөс мойда ог?
- Мойд!
- Тэ шуан: мойд?
- Ме шуа: мойд!

Кывберитөм

Сретенньө бөрын, кор мустөм төв
паныдасьө дона тулыскөд, поводдяыс дзыкөдз
дурмис. Пондіс турөбавны – син ни пель оз
тыдав. Та вылө видзөдтөг көджаяс скөнь
люзьгөны-валитөны Микач Вась керка дорө.
Кодкө сёрни лэптөма, пөрысь дед кыйөма пө
көинөс да абу дышөдчөма, кыскөма гортөдзыс.

Көдзыд гожся жыр тырөма гырыся-посни
йөзөн. Ставөн шензьөны: кукань ыджда, дзор,

буксялём гона кӱин шой пласът куйлӱ джодж шӱрын. Дульӱсь кивӱйс петӱма вомсьйс да быттьӱ дӱльӱдӱ бур войтырсӱ. Страк босътӱма ставӱс: вывтӱ ӱна дӱсадитчысь звер да. Сӱки, буретш, и усис дум вылӱ вӱвлӱмтор.

...Ар дас кымын вӱли меным, велӱдчи шӱр школаын, ыли сиктын. Вежоннас ӱтчид воливли радпырысь гортӱ, ай-мам сойборд улӱ. Коркӱ сӱрмӱдчи да, кольччи ас тӱварышъясысь... Дзользъысь пышкайяс моз найӱ тӱвзисны водзӱ. Кыдз помнита, кусӱ гӱрд шондӱйс. Гӱгӱр лӱзӱдӱс, рӱмдӱс. Пуксис тӱвся кузь рыт. Сӱзъ ӱнӱжас рӱдмис лыдтӱм-тшӱттӱм кодзув. Кыськӱ быгыльтчис тӱлысь, кавшасис пу йивъяс вылӱ да ыджид пӱнар моз ӱшӱдчис туй весътӱ... Гӱгӱр лӱнь: шыч ни рач.

Дзурки-дзурк – гажаа дзуртӱ-сӱылӱ кок улын лымыйс. ӱдӱӱ ладмӱдчи ас воськов улӱ – лои лӱсьыдджык муннысӱ. Страсът радейта шӱйтны вӱрті-ватӱ да думъяснам ылавны ворсӱдчӱмӱ. Туй бокысь нетшышти кузь чукля бедь. Тайӱ абу прӱстӱ бедь, а копъӱ, шы. Ме абу ме, а повтӱм сӱлӱма сарлӱн пи, кодӱ мӱдӱдчӱма ыли йӱз муӱ тышкасьны биӱн лолалысь куим юра гундыркӱд, мездыны йӱрмӱминысь мичаысь-мича сар нылӱс. Лӱк немортъяс гусьӱн олӱны му пытшкын, кӱсӱӱны торкны муывса олан ладсӱ. Мед, ме ньӱти ог пов. Дзик орчча рӱмалӱ-ышӱдӱ кельыдгӱрд тӱлысь.

Со и Ву, кынмӱма тон-тон. Бӱрӱ коли овтӱм перевӱз-керка. Радпырысь пыри Кӱджса ягӱ. Ставыс танӱ тӱдса, сӱысь унджык сӱтӱ ветлӱдлӱма да. Зумыш, ӱсь юра коз пуяс – тайӱ

көрт паськөма багатыръяс дөзьөритөны менө.

Збыль-ө, кажитчис-ө, водзын кодкө
вуджөртис-мунис туй вомөн. Здук мысти бара
петис, сувтовкерис, сэсся уйкнитис пуяс сайө.
Да, быттьө пон, сөмын бөжыс люзь өшөдчөма,
абу гаров. Гач тыр любө лои, куті гораа
чуксасыны: «Ша-арик! Ту-узик!».

Вои Съодвапомө. Тані, Вашка ю берег
пөлөн, дыр люзги-лязги уджаліс кер пилитан
завөд да лои неминуча: сотчис өти здукөн.
Нөштаысь петкөдчыліс менам пөпутчик.
Лөзоват биөн югнитліс синмыс. Ме шай-
паймуні, пукси туй бокө да куті гудйысьны
зепъясын. Көнкө, неылын, шыасисны сиктса
понъяс. Чепөсйис төдтөм пон да котөртис
мөдарө, Вулань, эз и матыстчы ме дінө. Кашки-
кайи бөръя мыльк вылө. Татысянь, бужөдсянь,
лунъюгид кадө бура, быттьө ки пыдөс вылын,
тыдалө Көдж – чужан сикт. Ыджид пөнар моз
өшалө сикт весьтын дзөнь төлысь да видзө бур
войтырлысь рытъя олөмсө, шойччан кадсө.
Туйыс отаммис, мөдіс кытшлавны град йөр
дорті, потшөс бердті. Гортө вои сёр, тшук
пывсян кежлө...

Уна гөгөрвотөмтор вөлі шуда челядьдырся
кадө. Сиктса ичөт войтыр бура төдөны, кутшөм
сійө йөз муын олөмыс да велөдчөмыс. Сэксянь
и мусмисны пыр кежлө: ас чужан сикт, ай-мам
дорын олөмыс, муса баблөн рыся өладдя да
гортса пывсян – лов небзьөдысь. Сэксянь и
овмөдчис сьөлөмө дона вөр-ва, сэки заводитис
воссъыны сылөн мичыс, пытшкөсса руыс. Оні
Енлы моз кевмыся меддона ёртлы – туйлы. Од
сійө, майбыр, вынсьөдіс, мортъяммөдіс менө.

Да мед эськӧ некор оз вомдзась, оз помассы туйыс, да пыр меліа шувгӧ помтӧм-дортӧм парма. Ак, кутшӧм чӧскыд овны вӧльнӧй свет вылас да повтӧг восьлавны дедъяслӧн индӧм туйӧд водзӧ.



Казьтылём...

Көчильёй

Часьё-рөкыс новлөдлө мортос — шулөмаось важ йөз. Либө кусыньтас көлачө, либө сетас шуд-талан.

Быд воө, арын, кыскө ай-мам керкаө, чужан сиктө.

— Дзикөдз вунөдін ас рөдвужтө, карса прөстөй чап. Сөмын на воин, а вожалөмыд нин синтө вөр-ягө. Олышт көть неуна шоныд керкаын, чөсмасьышт гортса юмовторьясөн, — пыр лыддьөдлө пөрысь мам. Ачыс дасьтө нянь-сов. Айө стрөг син улын тэчалө нопйө сакар, тшай восьмина, коскус. Век колө мыйкө рушкуад пуктыштны.

Асылын некор нюжмасьны. Кумысь петкөда важ, быдтор аддзылём пищаль. Бур көм да небыд нямөдыд — коланатор. Коктөм — веськыд мат вөрын. Ньылөм петтөдз ырскам самөварысь пөсь тшай. Мам чөла сулалө пач дорын. Гарья бөжаөс водзвыв игналөма мөс гидйө. Лэчасигөн грек понкөд вөжжайтчыны.

Водзысь-водз уйскам сиктысь. Гөгөр би ни ва абу. Кютю моз вөтөда айөс, пола бергөдчывны. Мед көть оз вомдзась туйным. Дерт, мам, көнкө, сулалө-шогсьө кильчө пос вылын.

Быд воськолөн кыптө лов. Мөвпнам важөн нин кыйсян керкаын, шоныд гор дорын, кывза айөлысь помтөм сёрни-баснясө. Видза олан, сьөлөм бурдөдысь дона вөр-ва! Примит, батюшко, асьыд челядь-пиянтө. Сет кокни туй

да бур нажова: яя пөтка – лэчкө, прамой чери – гымгао, чөскыд вотос – пестеро. Юрго джуджыд сөстөм пожома яг. Шуштөм сьортын сайласьоны лапья козьяс. Наян төврукөд варовитө кыддза рас. Вөр пасьтала гөграсьоны, паньясьоны өта-мөдныскөд синва кодь сөдз посни юяс.

...Кор заводитас крестасьны кок, да гудыртчас син, шлапкысям-пуксям косинө, пу горулө. Да чошитап пель.

Матын, сук раскын, сива-сюва вирдалоны тавося сьола котырьяс. Чипсасьоны-гирзьоны ёрта-ёртыскөд. Пикө воома сьола-мам. Чуксасьо, чукөртө тыр яйө воом ныла-пиянсө.

Тшөкыд пемыд сьортын дзульгө повтөм ёль. Ыз-буз катласьоны галя-изьяс. Плакмөм гөна ош келалө, броткө-юө ключ ва. Либө ыджыд мыгөра сюсь йөра помка абутөм довьялө. Кратшкис пу чаль. Быттьө гымөбтис лыйөм шы. Тайө сьөд дозмөр – вөрса ероплан, кыпөдчис сөянинысь да төвзьөмөн тьувгө ас мог кузя. Лун пома лун тотшкө мича паськөма сизь. Тшашитчас пуас да сизьдө, нетшкалө пучейястө. «Оз тай кольмы юрыс», – пыр шензьө айө. Сэтшөм часьсө-рөк сылөн – вөр бурдөдны.

Лөсьыд шойччыны коз пу улын. Сук лапья чальясыс өшөдчөмаось муөдзыс. Быттьө чомйын лунпукан. Оз тай падмөд читысь зэр.

...Өтчыд, арся пемыд рытө, петим айөкөд шоньд керкаысь көйттысьны. Ыркыд. Лөк ногөн омлялө войтөв. Пестим бипур, лөдсалим кос пес чуркаөн. Гажаа ыпнитис биным да югзьөдис керка дорсө. Друг сьөд поноль сайысь

чеччыштис кӧч, прамӧ би дорӧ ляс. Тарзьӧ,
дзикӧдз турдӧма коньӧр. Пуксис морт моз,
шонтысьӧ. Чуймим айӧкӧд, лов пыким. Регыд
руавны пондис кӧтасьӧм гӧныс. Ломзис, нӧшта
гажмис би. Быри терпенньӧ айӧлӧн, нюждӧчис
пищальла. Кӧчыд чепӧсйис да кыдзи вирскӧбтис
бӧр, понӧль пытшкӧ. Ок, писькӧс каналльӧ!
Пӧгибӧ воӧма, сӧшайт, топ йӧрмӧма...

Пӧть, пӧть, пӧть – неылын шыасис повзьӧм
сьӧла да жбыр лӧбзис яг вылӧ. Вӧчны нинӧм.
Быть нопьясь да гӧрбыльт мыштӧ. Колӧ
тапиктыны водзӧ, этшаника нажӧвитчыштны.



Арся мойд

Лышкыд сьӧлӧма шонди-мамлӧн да дзирыд
кодзула енӧж-батьлӧн чужис-быдмис нель
ныла-пиа: тулыс, муса ныв – гажа, вильыш, пыр
йӧктӧ-сьылӧ... Сылӧн вок – пӧсь гожӧм. Сэсся
зарни ар – мича ань. И медыджыд пи – кӧдзыд
лымья тӧв, вид вылас зумыш, ыкша, пыр
турӧбалӧ, пӧлясьӧ...

Кӧть и ӧна торьялӧны ӧта-мӧдсьыс чоя-
вока, но олӧны ӧти сӧгласа семьяӧн, быдӧнлы
мусаӧсь да коланаӧсь. Шуда бать-мам, сзӧзь
енӧж да мелі шонди, ӧна радейтисны ныв-
пиянсӧ. Кыдзи нӧ? Кутшӧм чунь он курччы,
скӧнь доймӧ-кылӧ.

Бур войтыр важысянь пыдди пуктисны чоя-
вокаясӧс да ас думӧн ӧткодялисны найӧс
олӧмыскӧд. Тадзи радейтана гажа тулыс лои

югид асылон, кор ставыс чужо, садьмо, кыпто, радло... Пось гожом – тайо лун сьомос, шуда челядьдыр. Майбыр, сэк ставыс воо, совмо: нянь, чери, потка, вотос... Сэссия локто зарни ар – быттьо озыр купеч.

Аръяывисо ми откодялам нора рытьяскод, порысылункод. Зарни ар сигортю тувсов да гожся тожд-ноксо, вочо помас кывкортод. Позью шуны, тайо вижа-горд рома мичыс, муса ворвалон шогодана серпасыс – эскодана пас. Ставыс сэк портмасьо, дзирдало... Со, паськыда шыблалома чальяссо банюм юра жов пу, сы бокын гордодо гырысь лысера пипу, ыпьяло алойгорд рома бион. Со гылалоны нин корьясыс восни гырка нинпулон. Мича бобувьяс моз паллялоны мам пу гогор.

Медводз кушмо нэриник кыз пу, дыр кутчысьо яргорд пипу. Яндысьтог гожся лыспаськомон сулало ниа пу, кытчодз оз кушмыны гогор ертыясыс – ыпнитас сэк лым водзын югид сись моз, быттьо проща коро...

Кажитчо, быттьо ошйысьоны ота-мод водзас пуясыс: Ак, кутшом мича сарапаной! – Чов, менам мичаджык!

Лосьыд, долыд тайо кадю вор-ягын! Состом содз сынодыс быттьо сьоломто бурмодю-вынсьодо. Лайкыд нитш вылын куйло зарни рома джодждора. Быттьо югыдыс петю мусяныс ортсо, гогор юзьодо. Полан весиг восьлавны тайю китог кюм дора вывтыс.

Но уськодчас товру – чырыштас, кыподас жуг-жагсо. Муыс чужто, муыс жо бор и босьто. Нинюм жалиттог товруыс нетшко пуыслысь мича платтьосо, пыркодо, тупляло муас

коръяссө.

Янсөдчө миянкөд шуда гожся пөраыс. Но өд бара на аддзысьлам и муса тулыскөд, и пось гожөмкөд, и зарни арыскөд. Ас кадө локтө-камгө лымъя төв.



Өдэй баб

Долыд сьөлөмлы арся вөр-ягын...

Помтөг шувгөны статья пожөмъяс, довкиөдлөны пашкыр кудриа юрөн. Кыпыда лолавсьө, мудзтөг восьлавсьө... Оз тай дөзмөдчы ном-гебыс, дзикөдз падмөма да. Көнкө матын меліа кургө-сьылө гар бөжа сьөд тар. Наян чөс туй мудера кытшлалө яла яг вывті. Друг сыркмуни яг вылыс. Водзын крапкысис, пөри краж пу. Ылын, пемыд сьөртын, пыр жө шыөдчис суюсь пеля йөлөгә. Окурат менам чөс туй вомөн нюжөдчөма нэмөвөйся пожөм. Чукля вожъясыс медбөръяысь сывъялөмаөсь вөрса гортувсө. Позьө здук кежлө пуксьыштны, вежны лов, лёньдзөдны ноп лямкасө.

Сэки дум вылө уси вөвлөмтор. Коркө важөн нин, челядь руа пөраө, Өдэй бабө босьтис менө первойысь тшак вотны ылі Сатывла луг вылө. Ок, и радліс, ёпкис сьөлөмөй! Туйыс кузь, быть өд картузась... Нырөс чангыльтөмөн өдва вөдита пөрысь бабөс, нимкодяся ас вылө – со өд кутшөм

ыджыд арөса лои... Гөгрөс, көвдым кодь, чукырөсь чужома, бадь моз нөрөвтчома, но варова сийө восьлалө водзө, бедыторйөн вөрөшитө арся турунсө. Чөскыд гөрд рыжикьяс, выя юра масьякаяс быттьө асьныс чеччалөны наберушкаө. Дыр, юр кольмытөдз, көледитим-гөграсим. Вывті ота Сатывлаыс да...

– Но вай, тырмас сэсся, пиукө. Гортлань мөдөдчам... Ме сідз и шняпкыси туй шөрас.

– Любөйө, бабө, тэ көсьян воштыны менө, тэ пөрысь рой.

Бөрддзи кыз синваөн. Да мый вынысь кыска коньөр бабөс мөдарланьө.

Троньгө-кылө телегаа вөла. Какко дядь, сливки кыскалысь, вожасьома джуджыд көзла вылө. Төв и гожөм лапья пеля шапкаа, дөмаса пупайкаа. Пөлөс вомас пыр тшынасьө чигарка пом. Эз тай ковмы кыкысь тшөктыны – ур моз кавшаси куш йөв бакьяс дорө. «Өти шатия-братия», – шогпырысь мөвпала, зырта синмөс.

Но, сө дивө! Помассис кыддза раскыс, тыдовтчис чужан сиктө... Гөрддзасис ловгоршын, брызнитіс синва. Öдйөджык ляскыси баблөн платтьө божас, дзеби чужөмөс.

– Мудзис сөкатө пиөй, – меліа малалө нитш юрөс Öдэй бабө...

Ок, быгыльтчисны, пышйисны гачтөг котралан воясыс... Öні некодлысь корны прөща, некодлань дориньтны куш юрөс... Киссьөм ватө он курышт, шуөны тай. Помнита, кувсьөм водзас пондіс вошласьны вежөрнас Гаврей Öдэй, сьөлөм небзьөдысь Öдэй бабө... Кыв шутөг кыскис ас вылас сьөкыд олан

крестсö, дона мам-батьöкöд тшöтш пестуйтис-
быдтис пож тыр челядь. Пыр на майшасьö
сьöлöмныс ми понда, сюра-тошка пиян да
нылан вöсна...

Кылö черöн камгöм шы. Матаммис
Черкерасьöм, кыйсян керка. Небыд тöвруыс
вайис чöскыд тшын дук. Батьöй, көнкö, пусьö,
виччысьö менö. Дась югыд син-пельöн колö
воштысьны стан дорöдз. Чös туйыс отаммис да
гажаа котöртис чой горув...



Гортса нюмсера пасйӧдъяс

Керка, кӧні ме быдми...

Ойбыртӧ пӧрысь керка-карта. Сюся кывзӧ пытшкӧсса олӧм шыяссӧ, кӧть эськӧ ставсӧ тӧдӧ водзвыв. Муртса югдас, садьмас-ышловзяс ыджыд мам. Сӧ бласло кристосӧн лӧччас шоныд паччӧр вылысь, жальпырысь чукӧстас моньсӧ. Кузя бакӧстас мӧс – вердысь-юкталысь. Пӧдӧнчаӧн тӧрыба котӧртас том нывбаба карта улӧ. Здук мысти ловзяс ыджыд пач: кельыдлӧз тшын пуркйӧ-кайӧ вылӧ, енӧжӧ. Майбыр, мудзтӧг пуӧ-пӧжалӧ, жаритӧ-паритӧ, лун-вой шонтӧ, чӧсмӧдӧ да вынсьӧдӧ став ловъя ловсӧ. Ыджыд мам чӧвтӧ пернапас, юрбитӧ, видзаасьӧ гӧбӧч айкакӧд. Ӧд сйӧ, лов видзысь, кранитӧ став овмӧссӧ лӧк синмысь. Ойя да ойя, да мед эськӧ век вӧлі гырничьясын нӧк да вый, латкаясын – свежӧй, сола чери, а тшанын – чӧскыд сур да сукӧсь... Тӧвъя да гожъя жыръяс кындзи эм кум: неыджыд, вевта овтӧм жыр. Мыйыс сӧмын абу тані! Лабич вылын куйлӧны пызь кудъяс. Ыджыд пу гыр вугралӧ черань везйӧн тырӧм пельӧсын. Мичаа серӧдӧм туисъясын олӧны: сов, коскус, кос тшак. Дзоля ӧшинча дорын сулалӧ дзузган лампа. Сюмӧд табъяс, сӧйысь вӧчӧм изъяс чери кыян кӧлуй сорӧн куйлӧны чуманын. Штӧнын ӧшалӧны тусь вотан пестеръяс, вӧралан лаз, кучика тасмаяс, бакилӧ – кыйсян кӧмкот. Сӧні жӧ бовксӧ мича малича – яранӧн коркӧя козьналӧм шоныд пась. Пу тувйӧ ӧшлӧма сийӧс-завод. Кум йирт вылын, косінын,

ас пöрасö рама виччысьöны ёсь пиня
нарманъяс, лэчyd дона кöса – гөрбуша, крука
ныра чарла. Уджач кияс шыльöдöмаöсь налысь
пу нудъяссö лöставтöдз. Йыла, тшап азылас –
чери кыбан, да потласьöм мöс жыннян чöв
олöны крукыль чапакакöд дор-дор. Штэн бердö
доринь шойччöны куөн кышöм лызыяс. Лямба
да койбедь – бур вöралысьлөн содтöд ки-кок.
Медся ота – сарайын. Сэтшöм ота, паськыд,
мый вöлыс вермас лючки бергöдчыны турун
доддьөн. Гожöмын танi оз бырлы гаж, посни
войтырлөн чилзöмыс. Ворсöны, качайтчöны
садь быртöдз! Пышкайяс моз жбыр лэбзьöны
сарай йиртöдзыс, сэсся лёк горышөн
паллөвтöны увлань.

Сарай пельöсын бауөн сулалö кыан стан,
медколанатор. Лым кодь еджыд дöраөн
мичмöдö, пасьтöдö. Штэн кузя нюжöдчöма кора
додь, норт, кыйсьысьлөн медбур ёрт. Быд
көлуйлы енлөн индöма ас места, ин.

...Тшап, збодер пу чибö, керка вевтвывса
нырщик, гажаа синмасьö югыд шондiыскöд,
быттьö кöсийö паськöдны вевт-бордъяссö,
кыпöдчыны муса Коми му весьтö.



Юсь-дзодзöгыяс

– Ликö баб, дзодзöгыяс воисны! –
посводзсянь мый вынсьыс горöдiс ичöтик
Сандыр, кудраш юра сусед пи. Горöдiс, дай

бөр, быттьо абу и вөвлөма... Сөмын няра ойөстис-крапмуні өдзөсыс.

– Спаси Господь, – гур лэччис шоньд паччөрысь Гаврей Ликей. (Кытысь и выныс – төвбыд висьөдчис а.) Тэрыба чышьянасис, көлөшасис да дзурк петис уличаө.

– Ок, бласлө Кристөс! – син водзас пемдис, сэтшөм ярскөба дзирдовтис тувсовья шондиыс. Муса Ыб, чужан сикт, важ моз сулалө шыльыд мыльк вылын. Джуджыд кыр горувти пыр визувтө «лөз шөвк лента» кодь мича Ву. Öнi садьмөма, гызьөма да лючки ойдөдөма ластаяссө да улысса видзьяссө. «Сө медьякө, уна турун лоө бур войтырлы.»

– Паськөд синтө! Юр вылад да! – баблы пеляс бара горөдис быдлаө удитысь Сандыр да кыккокийыв скач котөртис водзө юксьыны шуднас.

– Со тай, муса юсь-дзодзөгьясө... – Ликө баб дорыньтчис пывсян пельөслань. Прамө юр весьтас, лөзьюгыд енэжти, тэрмасьтөг шывгисны дзир еджыд лэбачьяс. Шөвка сюрөсөн нюжөдчөмаось, быттьо парад вылын. Көнкө, ылөдз кылө налөн клювзөм шыыс.

– Локтө жө, локтө, дона рөдвуж, ыджыд чоявока... Локтө, пыравлө ас гортө, видлө пуөмпөжалөмсө, – асья лысва моз петис-югьөвтис синваыс чукрөсь чужөм вылас. Вомгорулас нюркйөдлөмөн лыддьөдлө Ликө баб:

– Ойя да ойя... Öкаяннөй олөм олөма да, быд лунья ноксө төдлөма, сьөлөм вез ортөдз уджалөма... Кытчө пышйөма гажа вой-луныс? Эгө удитө пөттөдз гуляйтны да мусукасьны. Сөмын воис кад монь туй вылө лөсьөдчыны –

мырдён босьтисны Оңдрей-батюшкоос лютөй война вылө. Ковмис нэм кежлө прöщайтчыны да коли дөваөн... Медбур уджач войтырыс юрловнысö нуисны ылі земляө, йөз му-ваө да немтуйө вошисны...

– Арся зэр мында курыд синваөн көтөдөма став земля-матисö, Коми мусö, – нора лыддьөдлө пöрысь Ликö баб, бадь пу моз нюкыртчöма. Сылы каститчö: муса Оңдрейлөн, дона рөдвужлөн сөстөм ортыясыс лэбач бордъяс вылын гуся локтöны чужан муö, медым видзөдлыны öнiя олөмсö, шогны-радлыны.

Лөня матыстчис падмөм баб дiнö Сьвистун Öльöш, вира чужöма, айыс Сандырлөн. Видзчысьöмөн, быттö кагаос, лэптис-кыпөдiс Ликö бабос да пыртiс керкаö, шонид паччөрö. Öтнас пуксис сэк Сьвистун Öльöш енув пельöсö, ыджыд пызан сайö пуөм-пöжалөмсö видлыны, дона гөсьтыяссö курыд винаөн кодравны.



Катыд пом (Бать сёрни)

Пукалам батькөд чужан керкаын, Көджын.

Юасьтөг-виччысьтөг локтис ар, волон
пöрысьлун. Öшинь сайын сулалö кыз пу.
Виждөм коръясыс зарни бобувьяс моз
гылалöны ульсалөм му вылө...

– Рытъя шоньгейыс оз шонты...

Зарни коръяс моз жö гылалöны, пуксьöны
сьөлөм вылө пöрысь батьлөн кывъяс. Зумыш
чужöмыс сылөн югзылө, шылясьлöны кымöс
чукөръясыс. Сийö быттьö интереснöй нига –
позьö помтөг лыддыны...

Арся зэр пызйö, пырö сьөлөм пытшкö,
мыйкö шогөдö. Муса ай-мамкөд öтарвыв мунö
важъя олөм руыс да сылөн торъялан
мывкыдлуныс...

– Инö-ö... Вöтти, пио, сикыс топ мөдлаын
сулалэ... Сартаса биыс асы сотчис дай... Сэсса
селитчисны рөд пуктысьяс татчö – мича
восьсаинö, мылык вылө. Тувсовъя ытва дырйи
гөгөр ва пукö, быттьö дэ вылын...

– Сиктсö арт мунны кө, кымын важся ним-
вич петкөдчас?.. Паша кырув дорын зымвидзö
Степан Öлейлөн керка-карта. Дорся – Клим
Василь Миш. Шулъгаладор – Пилей Ликей. Сэн
жö – Пиля Сенька. Татчань сетчыны кө –
Митрей Штэпан... Велькыд кивыв: Педөр Öпöнь,
Öртьөм Савать, Йökша Вась... Вөдзö – Мика
Паш, Галаш Мокей. Ставсö казътыштны кө,
мыйта вунөм ним петö явö?..

– Тшупсисны артильöн, помечөн... Став
видзисны скöt: йöла мөс, тутисны öш – яй
вылө. Амбарын – тыр нянь. Сьökыда рöбитисны

да чöскыда сөйисны...

– Ыджыд сьөлөма, вына му-йөз олісны. Быттьö торъя пачын öжигайтöмаось. И быдөнлөн – ас оласног...

– Тит Миш Саш – зіль морт вöлі, кок пыдöсыс век пым, шуласны тай... Пыр чериаси: жопу мочишь, так и рыбу мачишь.

– Галич Кирша ворсігмоз кусняліс пипу-кыддзысь мегыр да додь сьув. Вожөдчас бала каран колода вылө да крапкас: льөм пу ньөр петовтам дай – завертка лоö... Пуксяс öшиньча дорö, ырскө-юö тшай, вомнас тьуп-тяп карас: пара кружка тшай стöкан юам... Уджач, киподтуя йөз вöліны. Олөмыс, пио, сійö тöжö рөбөта...

– Микач Вась, китрöван – сійö гөля оліс: тусь ни пызь... Гожөмбыд картіөн шлачкө-ворсö, гатш гортас куйлө... Сэссия төвбыд корысьөн вöлі – мыйкө эд сөйны колö...

Гартчö, шор моз гольгö-визувтö сөрниным. Быд важдыръя ас руа олысь йылысь кө мыйкө висьтавыны – мыйта дыр позьö баитны...

– Инö... Быд коя олөмыс вöлі. Вөтти чистö вичкөö дзєбны нуөдісны покойниксö. Чиркысь кык вок вöліны — Падей Öсиплөн пьян. Кувсис батьныс. Вайөдісны шойсö пөгөстö, поплы сьылөдны. Поп и пөгребайтас кыз колö, пөгребанньö карөмысь куим шайт корас.

– 0-0-0! Куим шайт деньга тиян сетам? Ог! Некутшөм куим шайт ми ог сетö. Ми лучшö куим шайтсö юам, ог жö сетö... Батьным ловъянас куим шайтсö эз сулав, непöштö покойникөн... Поп повзяс, пөнимаитан-ö... Кытчö покойниксö воштан? Поплы дзєбны абу

окота: вай босьтö, босьтö да дзебö, бур пиянö, дзебö – оз ков меным куим шайтыс, оз ков...

– Колхозын первöй морт вöлі Мика Паш: заседанньö пыр карö. Коді нарушенньö вöчас, зепсьыс йöрас блокнот да карандаш:

– Эй, нарушенньö-то замечал... Асы, точка пукта... (Да точкасö кытшön гижтас, моз пет.)

– Асы, видзöд, точкасö кытшö босьтöма... Оні тэ сюран заседанньö вылö...

Коркö колхозö воас кöдзан машина. Колö кытчöкö меститны – жыр абу... Заседанньö шуас: пыртны Ладей Ванька сарайö. Сылön сарайыс бур: оз вияв и немтор... Локтöны, сарай ыбöс восьтасны. Ладей Ванька горзö:

– Муй нö тi, йöйминныд али муй? Ваяныд татчö сеялка?..

– Видзöд, асы, бумагаыс. Заседанньö шуöма. Пыртасны гир-гур, оз и юавны Ладей Ванькалысь.

Колхозын вöтти стрöгö вöлі. Уполномоченнöйяс карысянь волісны, му вылас ньöти шеп мед эз вöв кольöма. Коркö Кöсьча Микöл муно, пöнимайтан-о. Сэтчö стöч прöверяющöй воас. Кöсьча Микöллы кутчысяс сьыліас:

– Со, жытникыс... Со! Мыйла кольöмыд жытниксö?.. (Шепсö му вывсьыс казялöма да мортсö кöть виас.)

– Ыджыд шог-пакöсьт карис войнаыс... Медся бур пылевöй мужикьясыс немтуйö вошины... Первой луньясö нуисны юрнысö да некод на пиысь эз бергöдчы бөр гортö...

Сэксянь и дзугсис сиктса олём-ладыс, быри стрöг ай-мам устав серти оласногыс...

Быд рыт юр пöла вичко дорын гыб быйкъялö
посни нарöд – став нель-квайт арöсаыс. Пель
письтытöдз чилзöны, лёк нога горзöны öта-мöд
вылö, быттьö став гортса зык-пиньыс ортсö
петö... Тадз, кöнкö, «мусукасьöны» ай-мамныс...

Рöбöта бөрти бать воас, кыв оз артмы, ымзö
мыйкö, а коньөр мам синва сорөн пинялö юысь-
кодалысь верöссö... Майбыр, олём...

Лун и вой сюра-тошка мужикъяс гурйöдлöны
сикт кузяла мотоцикл вылын да тотшкöдчöны
öшинь куричö – корсьöны курыд вина-зелля...

– Кöкъямысдас локтö асы... Пöрысьмыны
пондi... Юр жувгö, пель, сийö, öтарö шумитö...
Синнам аддза на, асы, кодi мунö... Песся ме:
асывводз сувта, гимнастика кара, пес да ва
пыртала. Ог пеничайт на, ог норась эськö да...

Ныр-ныр воча пукалам, чурскам тшай.
Орчча жырйын, горничаын, куйлö, сьöкыда
висьöдчö мам: пыр мыйкö тельöдчö кага моз ас
кежас.

– Пöрысьман да челядьысь омöль лоан...

Нэм уджалiсны ай-мам. Квайт ныла-пиянöс
чужтiсны-быдтiсны, кок вылö сувтöдiсны, сям-
вежөр сетiсны.

Бур дзоньвидзалун да шуд тэныд, муса
бать, сиктса дона морт, Дмитрий Иванович!



Паш Косьча

Быд пөрйө гортө волігөн нимкодяся Паспом грездөн. Торъя нин сэки, кор аддза, кызди тшынасьö джуджыд кыр йылын керка. Сідзкө, кутчысьö на олөмас вөвлөм фронтовик Паш Косьча. Мукөд керка-шойясыс сулалөны тшын ни ру, виччысьöны пом... Окота бурөн мыйсюрө казтыштны, кытчөдз эз вушйы вежөрысь тайö грездыс...

Паш Косьча – пенсионер, нэмсö предаліс колхозын. Кузь гыркъя, косіник, лыыс да куыс, но винөв пу моз дзуртө да олө... Öкмысдас нин тыртө, а быд ар кыйөдө сьöла-тар.

– Абу өмөй дыш эта ылнаö шлонъявны? – юалас боковой морт.

– Но, нинөм тай, туйыс шыльыд, сөмын коктө вежняв, – правдайтчө Паш Косьча.

Пөрысьмис да дзикөдз пельтөммис. Кодкөлун пушкө-локтө ягысь, тапикасьö туй шөрөдыс... Машина суөдас да гораа тутсыны пондас... Нинөм оз кыв, водзö мунө Паш Косьча... Сідз и ковмас машиналы гөгөртны бокитіыс...

Төвбыд пинь ни зык руйгөны пөрысь гозъя: Паш Косьча да Митя Саня. Öтнаныс, челядьыс скөнъ төвзьөмаөсь гортсьыныс да... Гажа син-пеля Митя Саня өтпыр вежоннас лэччылас орчча сиктө сахар-тшайла да вом песны шердын вомаяскөд.

Но воас тулыс-ар – помассьö шуда олөмыс. Лун-лун жөдзө Паш Косьча горт дорын, йирөмөн-йирө гөтырсө... Митя Саня эськө кыв ни вом, көть кражъяв, сө равно оз кыв... Но

Паш Косьчалы ставыс абу ладнө. Сёйсь петкөдлас кумысь пищальсö да кыйсян көлуйсö, öшлас син водзас сьöла лэчьяссö. Вёськыд мат... Сэтшöм окота пöрысь мортлы бара кайлыны яла ягö, видлыны чöс туйсö, нурьясьыштны дзольгысь ёль дорын... Көть и рöккө Митя Саня, но ас кежысь радлö: со öд, бара на ловзис роялысь дедыс, вожалöма синсö ягö. Мукöдыс ныр оз петкөдны гортысь-а.

Ягö петöмыс – чистö концерт: асывводзсянь gryмакылö Паш Косьча мыськөм джодж вывтi кузь чөрья сапöгөн. Керкаыс таракылö быдсөн.

– Көн нö пищальыс? – лёкысь горзö вöралысь.

– Мыш саяд! – нöшта гораа шуалö Митя Саня да тракйö сосöдыс верössö.

– Но, – чепöсьяс Паш Косьча ывлаö, крапкас öдзössö. Кильчö вылын нораа никöстас пон...

– Бур вöдня, – шлапкыяс Митя Саня джек вылö. Сэк нин син улас усьö кыйсян нопйис... Кватитас да сы нин садь уськөдчас верös бöрсяыс.

Көдöка муно Паш Косьча, тапсьöдö, мыйкö броткö. Чöс туйыс кузь, быдлаö вевъявны колö... Сьökыд пеля да оз кыв гöтырыслысь чуксалöмсö...

Скөрмас Митя Саня, выныштчас да шыбитас нопсö прамö туй шöрас. Ачыс мышкыртчас, лолыс тырöма, сьölöмыс ёпкö...

– Но, – сувтовкерас Паш Косьча, бергөдчас да чуймас быдсөн, нопсö аддзас да.
– Но, видзөдтö, воысыс тай орёма...

Бөр косас да вöлисти гöтырсö казялас:

– Но, йöй али вежöра? Мун, эн грекöвöйт, дасьты пывсян.



Василей

«Быд ног овлö, серавны и бöрдны ковлö»

(йöзкост шусьöг)

Прöсти ни видза явитчис пася-дукöса поводдя. Митрей дырйи нин дорис юяссö, гөгöр лымъялис. Плöть матыстчис во пом: медся пемыд, шуштöм вой-лун.

Джын во дöвечалö, пыкö шог Падей Вась, ичöt тушаа, пелькиник мужичöй. Катерина нылыс вайöдис батьсö карö, ас бердас. Да, тыдалö, став ярлуныс, гажыс стариклөн кольöма чужан сиктö. Вывтi забеднö пöрысь мортлы, мый овтöм сулалö карта-керкаыс, пырзис чöс туйыс. Нöшта яндзим бур йöз водзас, мый лои эновтöма меддона другсö – гудöксö.

– Но-о, дзикöдз сивöймин, старикö, – друг кыськö, енув пельöссияныс, кывсис серамсора тöдса гөлöс. Падей Вась быдсөн дрöгмунi: Öльöш Татэй, муса гöтырыс, швыргö чöрсөн, быттьö ловья... Гаруснöй чышьянөн юрсö кöрталöма.

– Мый нин дульсмин, Василей? Кöни нö «саратовкаыд»? Ворсышт, вöйдөр моз...

– Эн грекöвöйт. Рытын асья оз сывлыны –

сибдөм гөлөсөн шыасис Падей Вась да куньыртис син пөвсө: «Выживми, вошласьны куті али мый?» Сэсса бөр паськөдіс синсө да нөшта ёнджыка чуймис. Ольош Татэй ру моз пакталіс козельнас тшөтш, а сы местаын, джек вылын, красуйтчө «саратовкаыс», гудөк кизьясыс дзик быттьө кодзувьяс дзирдалоны.

Дзуркнитіс пыран-петан өдзөс. Катерина, лөсьыд статя ань, матыстчис батыс дінө. Чужөмыс ыпъялө көдзыд вывсьыс:

– Мый нө шогсян, дедө? Ворсышт voidөр моз, – мамыс моз жө шуис сійө да чупкис плешкас.

«Эн грекөвөйт», – көсйис вочавидзны Падей Вась да джөмдіс. Гудөк-ёртыс быттьө ачыс чеччис сылы морөс вылас да гажтөмтчөм кага моз өшөдчис сьыліас, пондіс пессьыны, быттьө ловья лов...

«Василей, Василей –

Олан гажөй-нимлуной...»

– мелі гөлөсөн сьыліс Катерина да пась восьтіс горнича өдзөссө. Лайкмуни сьөлөмыс Падей Васьлөн. Югыд жырйын тыр-тыр йөз, ас сиктса войтыр. Со, вом тырйөн вашъялө чангыль ныра Лёнька Бут, сыысь өтдор некод оз куж пуысь мегыр да додь сюв кусыньтны. Дорся пукалө, шпуткө-куритчө Василь Педь – медбур пач тэчысь. Сэн жө кыз ныр-вома Гриш Вань, плешкыс дон-дон, зарни киа столяр. Воча пукалө, юрнас довкйөдлө Кирша Дарья – сиктса «төдысь» (чурки-буди мед он вомдзась). Орчча ськөд биа краля Чапей Маш: дзонь синпөвнас быдтор аддзас, сьөкыд пельнас ставсө кылас. Ыджыд сьөлөма, сьылан сяма,

кипөдтуя йөз чукөртчөмаось, медым
чолөмавны ас сиктса нималана мортөс, Падей
Васьос.

«Кысь сымда чөскыд пөжасыс? Дона
госьтьяс сьорысь вайисны, буди?» – эз удит
помөдз думыштны Василей, петкөдчис
Катерина – вижовгөрд сарапана, жемчуг тусь
сикөтша, мича гарусной чышьянон юрсө
көрталөма:

*«Видза олан, муса зон да,
Мыйла тэ зэв жугыль»...*

– вына гөлөсөн горөдис сийө да бара окыштіс
батьсө. «Чус мамыс», – оз төд: бөрдны-ө,
серавны-ө – Падей Вась. Ловзис гудөкыс да
тыртіс патерасө мича гласөн. Юрөбтіс сьылан.
Ставөн босьтчисны, ладмөдчисны сьывны...

Ок, и яр гудөкасысь вөлі Падей Вась!
Кудраш юра, лэчыд синма – быдлаө тай
вевъялө вөлі: зіля уджавны көть, гудөкөн
няжгыны-ворсны көть... Кыпыд сьөлөма,
сөстөм видзөдласа – чус кага; нимкодьыс оз
төр вомас. Мукөддырйи он гөгөрво сёрнисө,
быргө мыйкө ас кежсысь, но паськөдас
«саратовкасө» – гөгөр югдас, ловзяс, нюмдас!..

– Гажөдчышттөгыд олөмыд дуб, – тадз и шуө
вөлі. Со кутшөм авъя морт, Падей Вась.
Синваыс син дорас, серамыс вом дорас.



Репин

Физкультура велодысь Роберт Иванович Тренин – меградейтана учитель. Во комын вит кольома, а пыр быттьо син водзын: шөркост арлыда, косіник, шепель кыла да витшкыль кока. Сувтодас классо да гораа шуас: «Лыс-два-а, лыс-два-а!»

Нөшта пөпутьо велодас пение. Локтас урок выло, тутш-тотшкерас дөска пөвйө:

–Но-ко, няв-ракаяс, ставон оттшотш: ми-па-а, ми-па-а...

Корас кодоско дөска дорө, сюяс киас указка да тшөктас тотшкөдны сьылан ладсо.

Отчид локтис урок выло – вом тыр нюмыс, ки тыр карандаш. Ставон тшөк ланьтисны, виччысьоны, мый водзо лоо. А Роберт Иванович матыстчис ошинь дорө да ена чуймис, быттьо аддзис шензьөданатор:

– Но-ко, видзөдлөй ывла вылас.

Ми ставон уськөдчим ыж стада моз, ляскысим ошиняс. Немтор выльыс абу: сёр ар, одва чусалө шонди, ис ни ру куйлоны сьод муяс, мый позьө, важон нин куралөма да идралөма. Сэн и тан шевгысьомаось керкаяс.

–Тырмас, пуксьой, – вежсьом гөлөсөн шыасис велодысь да, кор лөнис парта пөвйөн клопайтомыс, друг юалис:

– Коді төдө художник Репинөс?

– Ме төда, – чургөдіс кисө оти зонка. – Тайө мян сиктысь Репин дядь, вөралысь. Коркө сійө, забыль, пөчьяслы вина сулеяысь рисуйтис Ен образ. Весиг Москваысь волісны видзөдлыны.

– Босьтöй карандаш да серпасалöй, кодi кыдзи кужас, мый öшйис паметяныд. А Илья Репин вöли академикöн. Колö тöдны...

Ставöн пушиктöны, мыйкö парсалöны кабала вылын. А кор лэптим юръяснымöс, чуймим. Дивöсьыс-дивö! Дöска пöv вылын мелöн вöли рисуйтöма öшиньсайса серпас: ылын руалö тшöкыд вөр, чусалö арся шондi, пласът куйлöны керкаяс, дзодзög кельöб тэрмасътöг лэбö лунвылö.

– Ре-епин, – öти морт моз ышловзис став классыс.



Гудырей

Кыдзи сюри понпилы ним

Дыр жуглисны юр шуринлөн семьяын, кыдзи нимтыны кычипиöс. Лапъя пеля, ляс ныра понпи пыр жö лоис ставлы радейтана чача-öн, дугдывтög никсiс да быд пельöсö вöчис пас. Шурин, боковысь воом морт, пыдди пуктiс коми оласногсö да кöсьис сетны аслас быдтаслы сиктса нимпас.



Сідз, вөралан угоддьоса ёль козьналіс понлы выль ним – Гудырей. Шурин – велөдчөм морт, кандидат, төвбыд дасьтысис вөравны: лосьөдіс кыйсян көлуй, порок-пуля, лампа-лызь да быд пөрийө ошйысис аслас пачпорта нель кока ёртнас.

Гожөмын шурин ышөдіс менө босьтны өтпуск, мөдөдчыны ылі Гудырейө. Чужан сикт бура примитіс кандидаттө, көть и дыр сераліс дивө-пон вылас. А лабутной карса морт пыр жө воис сьөлөм вылө ай-мамлы. Торйөн нин – сьөкыд пеля пөльлы. Лунтыр сійө вермис вежавидза варовитны кандидаткөд...

Сиктса челядь кыккокийв вөтлысисны Гудырей бөрся, чуксалісны пони мөскөн. Шыльыд гөна, варгыль кока карса пон ёна тешитіс том войтырөс. Дугдывтөг увтісны, эралісны сиктса понъяс, вежалісны.

Өні некод нин ловья пиысь оз помнит, мыйла вөрса ёлыс шусьө Гудырейөн. Ваыс сөдз, йи көдзыд... Му пуксьөмсянь дзольгө, визувтө лемыд сьөртті, гажа вөраинті чериа ю, мыськө-шыльөдө галя изьяссө. Аттьө шуринлы, кыскис менө карса патераысь гортө, вөзйис кайлыны тайө Енмөн вунөдөм ёль дінас.



Вужля

Гаврей Косьча, Даней котырысь петом морт, нэмсö вөралөма тані. Му пытшкө кодйөма, лосьөдөма оланін, кыйсьөма гусьон. Мед нин некод эз вомдзав прөмыссö...

Олөма йөз өнөдз казтылөны: багатыр вөлөма – тушаыс йиртөдз кузь, юрси-пакляыс рой моз гартчөма, син ни пель оз төдчы, помтөг тшынасьö чигаркаөн... Сідзи и шулөмаось ас сиктсаяс – Вужля, сэтшөм ён вөлөма да... Му люкавтөдз кыйсьөма Гаврей Косьча. Коркө сэсся кайөма Гудырейö дай згинитөма... Кыз унмөн унмовсьөма, тыдалө...

Аттё шуринлы. Роч морт выль пөв ловзьөдіс паметьос. Вöрын шөйтігөн унаысь паныдасьлісны мянлы энөтөм вөралан керкаяс, быттё заветнөй крестьяс. Öшинь розьясөдз вөйөмаось керка шөйясыс нитшкас, сөмын кытсюрö нильзьөм керьяс вылысь позьö на лыддыны пуртөн гижалөм пасьяс. Сісьмөм лабич, рушмөм пөлатьяс видзөны коркөя олан гажсö... Быдса кадколаст вушйö йөз паметьысь, гөльмө натөг олөмыс.



Из-ель

Кыськө му горулысь кылö ёльлөн дзольгөмыс. Подайдлы сьөкыд лунтыр мунны-пессьыны... Туйыс то вошласьö, быттё кодкө

суклялёма мунан ладсё, гажаа лэччө ю дорё, туруна лапта вылө, сэссия крута бергөдчө да кайё гулыд яг вылө...

Видзчысьтөг вощё мича эрд: кока амбар, шамъя. Неылын турун пиын муртса тыдалө вөралан керка. Полам и пырны, сэтшөм дзоля кажитчө да. Но мудзыд оз юав. Здук мысти нин лажыньтчам векни лабич вылө. Лун югыдыс өдва пырөдчө ичөтик өшинь розь пыр. Пемыд пельёсын зымвидзё горъя пач. Гудырей радысла дурмис – гоз-мөдысь гур лэччыліс кыр улөдз, сэссия пондіс гораа увтны, панласьны вөрса йөлөгаыскөд. Став ловъя ловсө шызьөдіс карса тшөгөльыд.

Гожся шондіыс лют мудзис лунтырөн пөжны карса гөсьтьясөс, окотапырысь катовтчис йыла юра козьяс сайё. Ун пыр друг кывсис понлөн увтчөм. Өдзөс – пась вощис... Эг на удитөй бур ног вежөртны лоөмторсө, кызди гор улысь өти бөрся мөд пондісны петавны скөра дзизгысь чушканзіяс... Серав көть бөрд. Көм ни пась шурин петіс пон бөрся.

Ун вошис. Дөзмөмпырысь вощковті ывлаө. Югыд... Збыль шуёны йөзыс, гожся луныс пө войыскөд сорласьёма. Шы ни төв, сөмын кадысь-кадө кирган гөлөсөн шыасьлө пөрысь көк. Кыр горулын руалө Из-ель, варовитө нөрөвтчөм пуяскөд. Кыз лысваөн вевттьёма турун-бадсьө... Неылын, козьяинын, кылө ноксьөм шы. Недыр мысти сэтысь петіс шурин, Гудырей понйыс лючки өшөдчөма сылы сьыліас да быттьө мыйкө вашкөдө көзяиныслы пеляс, норасьө.

Регыд мыччыяс шонді, ломзьөдас пачсө да

пѡжалас вьль кѡвдум-лун... Садьмисны вѡрса
лѡбачьяс, ѡтвылысь босьтчисны сьывны,
славитны локтан гоґся лунсѡ... Сьѡлѡмѡй
бурмис, окота лѡи шонтыны тшай, юктавны шу-
ринѡс.



Бѡрѡя кыв

Вояс мысти гажа Из-ѡльѡ воисны вѡр
пѡрѡдысьяс, скѡнь бѡкѡвѡй йѡз... Карын,
сьѡкыда висьѡдчѡм бѡрын, дзикѡдз коктѡммис
шурин... Син водзас раммис, пѡрысьмис
Гудырей. Но быд аддзысьлѡгѡн югыд
казытылѡмѡяс шонтѡны-бурмѡдѡны сьѡлѡмѡс.
Син водзын сувтѡны дона серпасѡяс: ылыс
гортса угоддьѡ, сѡдз ваа вѡрса ѡль, джуджыд
кыр йылын кыйсян керка, кѡка войяс...

Из-ѡль, позьѡ шуны, миян куслытѡм тема,
сѡрни сюрѡс, сьѡлѡм дой... Коді сѡмын эз
босьтчывлы нин гѡгѡрвоѡдны бур войтырсѡ,
мыйла киссьѡ муса олан укладыс... Некор оз
вунны шуринлѡн кывѡясыс: «Позьѡ ѡмѡй
нѡйтны, лѡкысь кучкавны мича дзоридзсѡ да
нѡшта тшѡктыны водзѡ дзоридзавны?»



Петшөра

Быд сикт-грездын эм аслыспөлөс нюмпас. Сідз, Лёкань грездын лун шөр луно шалсъялө ки пөла Гена, сиктса ногөн кө, Кракель. Сылы ветымын кымын арөс, кузь тушаа, шуйга кыис дзонь, кыпөдө румкасө, а веськыдыс – кос, вильөдөм лы кодь еджыд, некытчө туйтөм. Төв и гожөм бовъялө Кракель грездөд көмтөг, рейтуз гачыс зэвтчөма, став гиля-голяыс тыдалө.

– Мый нө, кутшөм рөк суис? – юалас бокөвөй морт.

Гена-Кракель пуджас дөрөм соссө, петкөдлас муртса төдчысь вир чутъяса нязьөм кисө.

– Петшөраын чишковтис, – пинь пырыс сөдзөдас Гена да гораа ёрччас.

– Уважит мортсө, – корөны кыськө воөм ас йөз, сиктса став уджтөмалысьыс, такөдоны Кракельөс. Код төдас, гашкө, воысь морт лишөдас «Троя» вылө...

– Кха, – кызөктө, весалө горшсө Гена, шензьөмөн видзөдө доймөм ки вылас, быттёо первойысь аддзөма.

Бокөвөй морт кыскө табак көшельсө, госьтитөдө. Пуркйө лөз тшын. Сиктын гожөм шөр. Буретш куртан кад.

– Петшөраын тайө лои, быдты прокшат, – заводитө нунгыны Гена Кракель. – Төданныд, кутшөм мян Сөдзимыс? Визув, прокшат, асныра, кось вылө кось.

– Ок, едрена... – гызясны паськыд вомаяс. Мыйкө быттёо вөрзяс паметьын. Вунөдан мөй

татшөмсө? Сөдзимсө, ай-мамкөд гоҗся
страдауйтөмсө? Гоҗъян керкаяс рач сулалёны
Сөдзим ю берег пөлөн. Быд кытшыль-меҗсө
юыслысь нимтөма важся ногөн: Савать-меҗ,
Пандэй-меҗ. Туруныс – сувтса туё, тувчыны
некытчө. Лысвасянь лыс-ваөдз пуё уджыс.
Помтөг сяргө ытшкан машина, клина-клёнакылө
коса панясьөм, и быдлаын сулалёны джуджыд
турун зорөдъяс, небесасө пыкёны майөг
йывъясөн.

– Кха, – лэчыд пуртөн моз ородё чөв-
лөньсө. Гена, голяөдзыс кыскө рейтузсө.

– Лэччи вадорө тасьтi-пань мыськавны пыж
бөҗсянь. Друг кодкө кыдзи кватитас киөд да
дзум кыскас йиринас. Быдты прокшат, повзи.
Ай сир вөлөма, стан дорас чөсмасьө. Сакасис
ад горшыд, оз лэдз. Пасибө, ас войтыр
мездісны, мынтөдісны сир пиньсьыс, кералісны
черөн. Сэссия гур лэччөдісны гортө, больничаө.
Пыжөн. Абу матын. Сідз и косьмис
отсасьысьөй, румка оз лэпты весиг.

– Водзті чериыс вөлі дай боже! – чөвтас
кодкө. Ставөн надеяөн видзөдласны боковөй
морт вылө.



Ыджыд грек

Сиктын гоҗөм шөр, чөв-лөнь. Верстьө йөз
ставөн мырсьёны-уджалёны видзьяс вылын,
дасьтёны чөскыд дука көрым.

Аслас гортын, енув пельёсын куйлө,

вöпрушки висьö Агей баб. Керка пытшкын – шы ни төв, сöмын кылö, кыдзи мудзтöг тотшкөдö-мунö часі, да восьса öшинь дорын мыйкö мошкоритчö ичöтик нывка.

– Прöстит, Господи, – нора шыöдчылас пöрысь морт.

– Эн бöрд, Агей бабö, пыр жö матыстчас нучкаыс, лöзьюгид синъяса ар сизима нывка. Мамыс Настялөн асывводз муніс видз вылö, а нылыслы стрöга тшöктіс видзöдны бабыс бöрся. А Настялы некутшöм тшöктöм оз ков. Каля бобув моз сійö лэбалö олан жыр кузя, став дозмукъяссö важөн мыськаліс, джоджсö тшöтш весалис и. Видзчысьöмөн, быттьö дзоля кага бöрся, сійö дөзьöритö бабсö: пань помысь кисельөн вердыштас, сöстöм рузумторійөн вомдорсö чышкас, юрси пратьсö сынанөн шыльöдас.

– Сёкатö нылö менам, – ошкö нучкасö Агей баб. Нимкодь пöрысь мортлы – ас пöрöдаö öбичанас мөдöма: уджач, тэрыб ки-кока, абу кутшöмкö карса кодь. – Видзöд, Настук, кутшöм бабыд лөма. Сувтны ни пуксьыны ог вермы. Йöз серам сöмын. А коркö, сёкатö нылö, тэ кодь жö вöлі... Мичаник, визув, шуда нывкаөн. Ставөн вöлі лелькуйтöны менö, ворсöны мекöд. Воасны вöлі муса ай-мам гортö удж вылысь, мач моз качөдласны вывлань: ак, кутшöм красатуля туö-быдмö мян, шуасны. Нем думайттöг олі... Сöмын öти удж и вöлі менам: синтöм пöльöс пывсьыны новлөдлыны. Лэччöда вöлі сійöс ю дорö, шоныд пывсянö да сэтчö и коля. «Мун, – шуö пöльö, – тані ме ачым ыджыд. Кималасөн да кокмаласөн төдмала,

көні небыд корөсьыс да ва пельсаыс. Мун, котралышт, да, господьой, эн көть вунөд пөрысь пөльтө...» А меным любөыс!.. Звирк чеччышта да өпрөметь котөрта аслам нывьёртъяс дорө... Уна-ө колө челядь-мортлы? Отчыд сэтшөма ылалі ворсігмоз, мый дзикөдз вунөді ассьым уджөс: вайөдны синтөм пөльөс бөр, гортө... Гожся рыт нин пуксьө вөлі, луд вылысь локталөны йөла мөсьяс. Сикт кузя слук мөдіс: синтөм Як Чоп пө өтнас мөдөма да музгыльтчөма сөй гуө, усьөма ныртшук... «Егена макө, но и нывка жө менам тайө... Пышйөма сы коста кытчөкө», – лөк горшөн горзө пөль. Көтасьөма, вылыс дөрөмыс быдсөн сөйсялөма... Чорыда ньөрьялісны гортын да дыр янөдісны менө бур йөзыс. Казытылігөн өніөдз сьөлөм курдлө... Сэтшөм грек лои вөчөма. Кузь нэмөс быд ног лои овны, но тайө паметьын медся ыджыд грекыс... Прөстит, покойник пөльө, прөстит!.. Гашкө, сы понда и оз босьт менө Енмыс та дырасө...

– Эн бөрд, Агей баб, – нөшта топыдджыка ляснитчис бабыс дорас Настя, – ме тэнө ог эновт некор, некор!..



Юриндалысь

<i>Шуда дзолядырся кад</i>	4
Скраба.....	5
Арпи.....	8
Анькытш.....	10
Рустик вок.....	13
Ягов-ты.....	16
Тупли гоз.....	18
Паша кырув.....	20
Мойдодыр.....	22
Көин сар.....	23
<i>Казьтылём</i>	
Көчильёй.....	27
Арся мойд.....	29
Одэй баб.....	31
<i>Гортса нюмсера пасйөдьяс</i>	
Керка, көні ме быдми.....	34
Юсь-дзодзөгьяс.....	35
Катыд пом (Бать сёрни).....	38
Паш Косьча.....	42
Василей.....	44
Репин.....	47
Гудырей.....	48
Вужля.....	50
Из-ель.....	50
Бөръя кыв.....	52
Петшөра.....	53
Ыджыд грек.....	54

Юрий Дмитриевич Яковлев

Катыд пом...

Рассказы

На коми языке

Редактор *Афанасьева Елена Евгеньевна*

Художник *Букина Оксана*

Оригинал-макет подготовлен
в ред.-изд отделе КРИРОиПК

167000, г. Сыктывкар, ул. Орджоникидзе, 14.
Лицензия на изд. деят. КР № 0038 от 10.12.97.

Редактор *Ивкина И.В.*

Компьютерный набор и верстка *Ивкина И.В.*

Подписано в печать 14.10.2002.

Уч.-изд. л. 2,0. Усл.-печ.л. 2,0. Тираж 150.
Бумага офсет. 70x90/32. Гарнитура Arial.

Отпечатано с оригинал-макета на участке
оперативной полиграфии КРИРОиПК

